

## Roinnt ceisteanna tábhachtacha mar ullmhúchán do na Measúnuithe Rangbhunaithe i dTeicneolaíocht Adhmaid 2020/2021

Baineann an doiciméad seo leis an Measúnú Rangbhunaithe (MRB) i dTeicneolaíocht Adhmaid do 2020/2021, ach tugann sé aghaidh freisin ar roinnt ceisteanna tábhachtacha do MRBna i gcoitinne.

### 1. Cad iad na Measúnuithe Rangbhunaithe i dTeicneolaíocht Adhmaid?

Is ann do dhá Mheasúnú Rangbhunaithe sa Teicneolaíocht Adhmaid. Déantar iad a mheasúnú ar leibhéal comónta. Is iad seo na Measúnuithe Rangbhunaithe do Theicneolaíocht Adhmaid:

**CBA 1: Eolaíocht adhmaid inár dtimpeallacht**– tugtar faoi sa dara bliain le linn 3 seachtaine ar a mhéad

**CBA 2: Féin-anailís agus measúnú an scoláire**– tugtar faoi sa tríú bliain le linn 3 seachtaine ar a mhéad

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 9*

### 2. Cén uair a dhéantar na Measúnuithe Rangbhunaithe i dTeicneolaíocht Adhmaid?

Beartaíodh go dtabharfadh scoláirí faoi na Measúnuithe Rangbhunaithe i dTeicneolaíocht Adhmaid i dtréimhse ama ar leith laistigh d'am teagmhála ranga, de réir amchlár náisiúnta, mar a chomhairligh an Chomhairle Náisiúnta Curaclaim agus Measúnachta (CNCM) i bhféilire na scoile.

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 9*

Is féidir teacht ar an amchlár do mheasúnuithe rangbhunaithe 2020/2021 anseo

### 3. An féidir le scoláirí a bheith ag obair le chéile ar MRB 1 (Eolaíocht Adhmaid inár dtimpeallacht)?

Is féidir le scoláirí comhoibriú le chéile, ach ní mór do gach scoláire píosa oibre aonair a chur i láthair.

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 9*

### 4. An bhfuil formáid / leagan amach leagtha síos d' aighneacht na scoláirí i gcomhair MRB 1?

Déanfaidh an scoláire céimeanna éagsúla an Mheasúnaithe Rangbhunaithe a thairgeadh trí loga foghlama a chuirfear i láthair mar chuid dá thaisceadh deiridh. Is féidir an loga foghlama a thairgeadh i bhformáid oiriúnach, rud a dhéanfar a chinneadh i gcomhaontú leis an múinteoir, lena ndéantar obair an scoláire a thairgeadh ar feadh an Mheasúnaithe Rangbhunaithe. Is féidir leis an scoláire samhaltáin, déantáin, agus aon fhoirm eile fianaise a chur i láthair a bheidh ag gabháil leis an loga foghlama d'fhonn a chuid torthaí a chur in iúl tuilleadh má mheasann sé go bhfuil gá leis sin.

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 10*

Ba cheart go spreagfaí an scoláire an fhaisnéis a shainithint lena gcuirtear a chuid oibre in iúl ar an mbealach is fearr agus an meán is oiriúnaí trína gcuirfear i láthair í a roghnú.

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 15*

### 5. An féidir le gach scoláire laistigh de ghrúpa ranga tabhairt faoin ábhar céanna do MRB 1?

Tugann na Treoirlínte do na Measúnuithe Rangbhunaithe i dTeicneolaíocht Adhmaid le fios go ndéanann na scoláirí iniúchadh ar ábhair agus ar smaointe a bhfuil suim acu iontu agus gur cheart go spreagfaí iad chun naisc ábhartha a aithint idir foghlaim sa seomra ranga agus sa saol laethúil – ní mór do gach scoláire píosa oibre aonair a chur i láthair.

*Teicneolaíocht Adhmaid na Sraithe Sóisearaí, Treoirlínte do na Measúnuithe Rangbhunaithe, Leathanach 11*

**6. Cén uair a ba chóir na Gnéithe Cáilíochta a roinnt le scoláirí do MRB 1?**

Ag pointe iomchuí san fhoghlaim, ba chóir go mbeadh cur amach ag an scoláire ar na Gnéithe Cáilíochta a úsáidfeadh le cáilíocht a chuid oibre a mheas.

*Teicneolaíocht Adhmaid na Sraithe Sóisearaí, Treoirínte do na Measúnuithe Rangbhunaithe, Leathanach 15*

Má úsáidtear cleachtais mheasúnaithe fhoirmiúla i rith thuras foghlama na scoláirí, tacóidh siad sin le scoláirí chun a dtuiscint a fhorbairt ar cháilíocht ina gcuid oibre agus cabhróidh siad lena dtuiscint ar na Gnéithe Cáilíochta nuair a bheidh an MRB á dhéanamh. Is fearr a chabhrófar leis an bhforbairt sin, má úsáidtear critéir ratha do mheasúnuithe leanúnacha

**7. Cad iad na hoiriúintí a ba chóir a dhéanamh do scoláirí a bhfuil riachtanais speisialta oideachais acu (RSO)?**

Sa chás go meastar i scoil go bhfuil sainriachtanas fisiciúil nó foghlama ag scoláire, is féidir tacaíochtaí réasúnta a chur i bhfeidhm chun tionchar an mhíchumais ar fheidhmiú an scoláire i Measúnuithe Rangbhunaithe a laghdú, a oiread agus is féidir. Ba chóir go mbeadh na tacaíochtaí sin, m.sh. an tacaíocht a thugann cúntóir riachtanas speisialta nó tacaíocht teicneolaíochtaí cúntacha, ag teacht leis na socrúithe a chuir an scoil i bhfeidhm chun tacú le foghlaim an scoláire i rith na scoilbhliana.

*Teicneolaíocht Adhmaid na Sraithe Sóisearaí, Treoirínte do na Measúnuithe Rangbhunaithe, Leathanach 7*

**8. Ar chóir aiseolas ar MRB 1 a thabhairt do scoláirí?**

Céim ríthábhachtach is ea aiseolas éifeachtach a chur ar fáil i dtaobh Eolaíocht adhmaid inár dtimpeallacht a úsáid le tacú leis an bhfoghlaim. Cuirfeadh an scoláire ar an eolas faoin Tuairisceoir a bronnadh air díreach tar éis torthaí an chruinnithe Athbhreithnithe ar Foghlaim agus ar Mheasúnú Ábhair a phróiseáil. Bíodh sin mar atá, bíonn níos mó i gceist leis an aiseolas ná an Tuairisceoir a bronnadh ar an scoláire a chur in iúl dó. Féadtar aiseolas ar láidreachtaí obair an scoláire, agus ar réimsí ar gá iad a fheabhsú, a úsáid le tacú leis an bhfoghlaim amach anseo.

*Teicneolaíocht Adhmaid na Sraithe Sóisearaí, Treoirínte do na Measúnuithe Rangbhunaithe, Leathanach 21*

**9. Cá fhad a ba chóir ábhar MRB 1 a stóráil?**

Nuair a bheas an AFMÁ críochnaithe, athbhreithniú déanta ar thuairiscíní sealadacha agus tuairiscíní deiridh bronnta orthu, tugtar an obair ar ais don scoláire agus ní gá í a stóráil.

**10. An bhfuil aon solúbthacht ann maidir le huainiú na MRBna mar gheall ar na cúinsí reatha i scoileanna?**

D'fhoilsigh an CNCM doiciméad ina bhfuil faisnéis maidir le Measúnuithe Rangbhunaithe don scoilbhliain 2020/2021. Is féidir teacht ar an doiciméad seo ach an cód MF a scanadh nó cliceáil air.



NÓTA: Is achoimre é an doiciméad seo ar roinnt nithe tábhachtacha san ullmhúchán do na Measúnuithe Rangbhunaithe. Chun teacht ar na sonraí uile ar na Measúnuithe Rangbhunaithe moltar do mhúinteoirí breathnú ar na cáipéisí seo a leanas: [Treoirínte do na Measúnuithe Rangbhunaithe i dTeicneolaíocht Adhmaid na Sraithe Sóisearaí](#)